



OMBALANTU TRADITIONAL AUTHORITY

Tel: 065-251602

www.Ombalantu.org

P.O. Box 437

Fax: 065-251315

Outapi

Enquires: Ms. A. Shilimetindi

10/01/1019-23/05/2022

OVETA YELELO LYOPAMUFIULULWAKALO LYAMBALANTU

1. EFALOMO

Oveta ndjika yeledo lyopamuthigululwakalo lyAmbalantu oya kala po nale opo yi kwatelepo oonghulunghedhi nomalandulathano pamuthigululwakalo dho dhi kale dhi shiwe noku kolekwa keledo dho dhi shiwe oku tulwa miilonga. Dhimwe dhomooveta dhika ohadhi lunduluka ethimbo nethimbo shiikwatelela komalunduluko yomathimbo nehumokomeho.

2. OMUTUNGILO GWELELO

Omutse wElelo (Chief) ye oye Omunashipundi gwo (Traditional Council)

Omalenga omanene (Senior Traditional Councillors)

Ooyene yOmikunda (Traditional Councillors)

Aagandjimaye (Advisers)

Amushanga gwelelo (Secretary)

3. UUKWATYA WIILYO YELELO LYOPAMUTHIGULULWAKALO

Oshilyo kehe shomutumba welelo lyOpamuthigululwakalo nenge Oshilyo shElelo lyOmukunda ina shi pitikwa shi pitithe iiholekwa pondje yeledo nenge shi tseyithe iikundathanwa pondje yeledo manga ina yi pwa oku kundathanwa keledo.

Omuntu a tya ngeyi na ithanwe lwaali momutumba gwelelo opo a gandwe/kundathanwe naye e ta pewa oomwedhi hamano pondje yElelo nenge pondje yomukunda, ngele ina lundulula ota pangulwa, ngele konima yopampangu ina lundulula natango, ota lalekwa ashike moinakuwanifwa yElelo nenge yOmukunda. sheikwatelela kOshizemo shOmpangu.

4. OMULANDU WOVETA

Oveta ota yi lunduluka sheikwatelela kenyono kehe, ngaashi ta shi landula sheikololela ketokolo lyomatalululo yeeveta oku zilila komutumba womalelo yahetatu (8), opo nee vi kale oshitopolwa shoveta yElelo kehe, etokolo ndyo oli na nee oku ku ndafanwa komutumba wokaansela yElelo lyOshitunda kehe opo shaa okaansela yElelo ndyo ya tsu kumwe nomavilaavilo ngo, nomavilaavilo otaa tambulukwa, yo taa kala nee Oveta yElelo lyOpamufiululwakalo wOshitunda nyo, ngaashi ne elunduluko lyopaife lya ningilwa etokolo oku zilila komutumba womalelo yahetatu (8) womasiku 23 May 2023 mOngwndiva.

5. OOMPANGU

Omutamanekwa kehe a lyasha shamukwawo, nenge eshi yonapo okuna oku kala a pangulwa. Omutamaneki ota ka lopota oshipotha she kolya mwene womukunda, opo mwene gwomukunda akale eshi shoka sheinyenga momukunda gwe, opo nee mwene gwomukunda ta tumu omutamaneki ku amushanga gwompangu yopashigwana a ka lopote oshipotha she. Ngele omutamaneki oku wete kutya ina shi pumbiwa a ka lopote kumwene gwomukunda, ota u kilile ku amushanga gwompangu yopashigwana opo aka lopote oshipotha she. Oonakupangulwa naa faalele oombangi dhawo ngele opena.

Konale ndishi aasamane oyo ike haadhana onghandangala moopangu dhopamuthigululwakalo, nena noomeme nayo oya pewa uuthemba yakale haa pangula oompangu dhopamuthigululwakalo. Aapanguli oya teelwa aluhe ya kale, haa pangula pauyuuki ngaashi yeshi ganena. Omhangu yopamaufiululwakalo waMbalantu pethimbo **“lyomaango”** iha ku pangulwa. Ngele ope ya oshipofa oshinene, nena otashi lopotwa kombelewa yompangu yopashigwana opo ku ningwe elandulo lyasho.

6. OMUPANGULI INA KALA ENA OMAUKWATYA TAA LANDULA

- (a) uukwamuhoko
- (b) oushiwikile (Oukwapata)
- (c) oukashikekookantu
- (d) eitaalo/opolitika
- (e) olwaamambinga
- (f) onghone noshowo ombumbo

7. OOMBANGI

Omutamanekwa/Omutamaneki oku na outhemba wo kukala noombangi dhe ngele okwe na.Omuntu ita vulu oku thiminikwa a gandje uumbangi ngele ina hala.

Eembali odha tegelelwa dhikale hadhi popi oshili, ye Omutamanekwa/Omutamanki nakale a holola omaupyakadhi ge a manguluka ina mbandamekwa.

Ngele etokolo ndyoka lya zile momhangu yopashigwana ine li panda, nena okuna uuthemba woku ya komeho noshipotha she.

Aakwashigwana naa kale haalopota iipotha yawo mbala ku mwene womukunda, ye mwene womukunda eya tume mbala ku amushanga wompangu yopashigwana.

8. ESO

Iipotha ayihe yomaso nayi lopotwe kombelewa onene yElelo lyOpamufiululwakalo.

(a) Paveta yopamuthigululwakalo ngele omuntu okwa dhipaga mu kwawo, ano na ku eta etimba okuna okukala a shiwa kutya okuna ondjo. Ezimo lyawo oline oku fetapo omahovi goonakudhipagelwa omunhu wawo pamuthigululwakalo. Ezimo otali fetapo omahovi **neengombe omulongo (10)** mwakwatelwa **nongombe** yoveta ano yoshikefa shomhangu.

(b) Ngele edhipago kalishi lyoshiningilawina, oshihooelwa, ngele nakudhipagwa okwa lyatelwa kopate ndele tasi, nenge nakudhipaga eipopila nena epata/ezimo otali fetapo omahovi goonaku vipaelwa neengombe nhano (5) mwakwatelwa ongombe yimwe yoveta yomoshikefa shelelo lyopamufiululwakalo.

(c) Ngele okwa lya mukwawo, ano emupa omuti/Oshindja (Onghufi) ndele ta si pena oumbangi wa yela nawa pethimbo limwe owa za ku ndokotola lyo ezimo lyahala shipangulwe pamhangu yopamuthigulululwakalo nena omuntu ngoka oku na oku pangulwa noku ningilwa omakonaakono gomuule paveta. Nengele okwa monika ondjo okuna okufuta **eengombe omulongo (10)** mwakwatelwa ongombe yoveta ano yomoshikefa shelelo lyOpamuthigululwakalo.

9. ONGHONGA

Omukiintu kehe a kwatwa onghonga ano a lalwa naye koonkondo, tango na falwe mbala kOpolisie, no konima ta falwa mbala koshipangelo opo a kaningilwe omakonakono ku ndokotola meendelelo osho wo epango.pamwe okwa pewa nande omukithi, ogo omalakano opo omuntu a vule oku mona ndokotola ile a ehamekwa avule oku mona epango lyeihwapo.

Konima ngele na kulalwa kookondo okwa hala oshipotha she shipangulwe pamhangu yopamuthigulululwakalo nena na kale a etelela oumbangi mboka oku zilila ku ndokotola opo omhangu ye yi kale ya pangulwa nawa.

Paveta yopamuthigululwankalo ngele na ku nyona okwa pangulwa ndele ta monika ondjo oku na oku futa **eengombe ntano (5)** mwa kwatelwa nongombe yomoshikefa shelelo lyopamuthigulululwakalo.

10. OMAYOOLOKO YOIFUTA YE KWATONGHONGA

Naku kwata onghonga ngele okwa kwata onghonga ndele ta dhipaga, nena okuna okufuta omageelo (Omatimba) gopaali:

- (i) Ekwatonghonga **eengombe ntano (5)**
- (ii) Edhipago **eengombe omulongo (10)**
- iii) Kehe ketimba **ongombe yimwe (1)** yomoshikefa shElelo

11. EMONIFO LYOMUNTU OSHIPONGA

Ngele omuntu okwa kutha mukwawo oshilyo, oshihooelwa eiho, okugulu, omunwe nayikwawo yilwe ota pangulwa ndele to pewa ehandukilo.

12. OMATUKANO/OMAVENGO YAKENYENEKA.

Paveta yOpamuthigululwakalo kapena ngoka a pitikwa a kale ha dhenge aantu, nakale e shi kutya oku dhenga noku tukana oku yona omauthemba gayakwawo, shono oshinima sha indikwa paveta yopamuthigululwakalo. Omuntu a tya ngaaka okuna oku pangulwa eta pewa egeelo (ehandukilo) oshoka okwa yona uuthemba wa mukwawo.

13. OUKOVI

Omusamane ngele okwa lala nomukulukadhi gwa mu kwawo ndele te mu pe epunda (etegelelo) ndele opena omauyeleele gihiwapo, nena ota pangulwa ndele ta tokolwa a futile omusamane ngoka **eengombe ntano (5)**. Ngele okwa lala naye ndele inapu holoka epunda popena omauyeleele gayela nena ota futu **eengombe mbali (2)**.

Omukulukadhi ota futile **oveta eengombe mbali (2)** dhopangu ngele opwa holoka epunda (etegelelo) ngele inapu holoka sha, nena ota futu wala **ongombe yimwe (1)**, ndele onga pena uuyeleele weihwapo.

14. EMITO

Paveta yopamuthigululwakalo waMbalantu konale omunyonwakavona (omusimbakavona) ngele okwa ninga epunda kali ha futwa nando osha, ndele oku za sho ooveta dha hengumukile mumwe, nena naku pewa epunda okuna oku futwa **eengombe mbali (2)**. Elunduluko ndika olya tameka **1993**.

Kapena ethiminiko ngele omuyonwakavona ngoka inahala oku futwa, ashike osha hanga ku mwene ngoka a nyonwa. Ashike omunyonwakadhona ngoka ta futwa oye wala ngoka a nyonenwa megumbo nenge kosikola. Ashike haamboka yeli momalukanda nenge mboka taa tataa ouyuni.

15. OLUFUKO

Olufuko olwo elandulathano lyokuulika kutya omukavona okwa koka pamufiululwakalo. Paveta yOshimbalantu omukavona iha lalwa naye panyama manga inafukala Omukavona ngele okwa fika methimbo lyo kufukala oye nee ta vulu oku fukalekwa. Nongele a fukala ota vulu nee okuhombolwa pamuthigululwakalo.

Ngele okwa ninga epunda (etegelelo) a fukala konale haye taku ti okwamita. Okumita otashi ti: omukadhona aninga epunda (etegelelo) omanga ina fukala. Pamuthigululwakalo opena omadhidhiliko ogendji ngo haga monika kokakadhona kutya oka koka okuya molufuko.

16. OVETA YAASELEKAVI NEEFIWA

Oveta yaaselekadhi noothigwa nayi dhigininwe inaa hepekwa we. Aaselekadhi naya silwe oshimpwiyu koombinga adhihe. Inaa tidhwa we momagumbo gawo moka yakala naasamane yawo naanona yawo. Aaselekadhi ina ya pulwa ya fute sha kombinga yomapya yawo ngoka ya thigilwa kaasamane yawo.

Ngashi etsokumwe ndyoka lya ningilwe m**Oshigongi shomOngwediva 1993, shomalelo gahetatu (8)** yokoNooli kutya ngele omusamane a si nena egumbo olyomukulukadhi noluvalo neliko ndyoka tali adhika megumbo ndyoka, nongele omukulukadhi okwa si egumbo olyoluvalo neliko ndyoka tali hangika megumbo ndyoka. Kombinga yuuthiga ka kuna ngoka ta ka za palwe opo a thigululepo iinima (eliko) megumbo moka.

Oshili nee ngeyi kutya iinima mbyoka tayi thigalapo oyaamboka yathigwapo. Omuselekavi kehe a ningwa nayi puuthiga okuna uuthemba woku patulula oshipofa she. Omulandu ile ondiyla yomhangu oya fatululwa nale **kokatendo (5)**.

Ngele pamwe opwa li puna oongombe dhono hakutiwa **“Oongombe dhEpata”** dhi shiwiki nawa pena uumbangi wa yela nawa, nena hawo oufia tau popiwa, mboka inau pumwa. Oongombe dhoka sigo onena pamufiululwakalo ota dhi fiululwa. Ngele ta ku popiwa eliko ihali zimo moshuumbo, oshiholelwa: omaanda giilya kapena ngoka ta vulu oku ga kuthamo, oshoka iikulya mbyoka otayi vulu oku kwatha aakalimo mboka yelimo, shikwawo oyo yeilonga yoyene.

Ngele opena ngoka te shi ningi ota pumbwa a lopotwe meendelelo kumwene womukunda, opo aete oshipotha shaye ku amushanga wompangu yopashigwana opo a vule oku pangulwa ndele ta mono ehandukilo paveta. Ngele ta shi ya nee komapya mwa kwatelwa egumbo **noveta ontintano (5) yomomumvo 2002** yeve lyaayehe otayi shipopile kutya mboka yakala megumbo lyawo ina pu kala nande ogumwe teyapiyaganekke, noveta oyeya gamena.

Pamuthigululwakalo gwaMbalantu egumbo ihalitopolwa, shahala kutya iiti yoshigumbo ihayi topolwa ngele mwene gwalyo akanapo, okuninga omusamane ngoka a sa ali a hokana aakulukadhi yevulithe pugumwe, ndele pefimbo ta si a thigamo oyana nomukulukadhi gumwe gwaamboka a li a hokana, oshuumbo oshomukulukadhi ngoka a saalapo ye oye awike omuselelekadhi. Ngele nakusa okwathigapo aanona ka yeshi

yomuselekadhi ngu a saalapo nenge aanona ya tekulwamo meumbo ndyoka.

Egumbo ota li kala metonatelo lyomukulukadhi ngoka a saalapo, ndele aanegumbo ayehe mboka oyena oufemba oku kala meumbo sigo ngoka a hala oku za mo ta ka vika egumbo lye mepya nenge ta lundulukile pamwe ote shi ningi ta tseyithile omuselekadhi mwene gwegumbo ndyoka. Kombinga yokulima kehe yamwe otaa limi ngaa kombinga hoka yakala haa limi omanga oomeme natate gwawo ali momwenyo. Epya ota li vulu oku topolwa, ano ta li tendwa nawa pokati kehe yamwe kombinga yawo, oiti ohayi topolwa ashike ongele opena aaselekadhi yevulithe pugumwe.

Pamuthigululwakalo waaMbalantu, Omukulukadhi ngele a thigipo omusamane neumbo, ano a tembuka, ndele ta kala pondje yeumbo oule weemwedhi **omulongo nambali (12)** ano omvula yimwe, ndele tapu holoka oupyakadhi weso nenge omusamane ngoka a li e mu hokana a sa, nena omukulukadhi ngoka keshi we omuselekadhi ihayi pokambandwa nenge mokalunda. Omulumentu nOmunkiintu shaa ya kala pamwe eevula vili ntano (5) nande inaa hambolafana pamufilululwakalo, paveta nenge pangeleka, pamalelo yOpamufiululwakalo osha ta lika onga aanhu ya hambolafana, Nomolwanhyo nee, na ku saalapo ota vulu oku fiululapo evu lyawo.

17. EGANDJO LYEVI

Elelo lyopamuthigululwakalo olyo ike lya pewa uuthemba oku topola evi paveta. Mwene gwomukunda oye ena uuthemba woku topola evi, ano oku gandja evi. Kehe omuntu ta ka pewa okapambu kevi nena okuna oku pitila ku mwene omukunda. Kehe omwiindili ta kala ena ehala kevi lyaayehe okuna okukala eli ningila eindilo pamauthomhango yoveta yeve. Nakale eshi oongamba dhehala lye ndyoka apewa, eshi nawa mpoka dha tameka naampoka dha hulila.

Na pu kale pwa ifanenwa aashiinda mboka ya a dhika pomuvingoloko, opo ya kale na yo ye shi ehala lyaye mho lya tameka namho lya hulila. Oshiputa paveta osha ufwa ike shi kale

efimbo lyoule **weemvula nhatu (3)** ina shi longwa. Mevi lya ayehe ka mu na omaviumbo ano omavu youkwazimo.

Mevi lyaayehe omatokolo ge nasha nevi oha ga ningwa ike kaakalelipo yepangelo ngaashi Aakwaniilwa, Omalenga, ooyene yOmikunda nenge Uuminisiteli womavu nomatulululo. Omuntu kehe ta pumbwa evu tango oku na oku pitila ku mwene gwOmukunda ngoka oye ena eshiwo lye hala ndyoka mOmukunda waye moka e li ta lele. Ka kuna omuntu a pitikwa okwii ku fila evu manga ina pitikilwa ku mwene wOmukunda. Omuntu ngele okwe yi ku fila evu ota pangulwa sheikwatelela koveta onti -5 yomumvo 2002.

18. OMWIIDHI

Ka kuna ngoka wa pitikilwa oku kahula omwiidhi omutalala, no ngele owe shininga owa ta guluka oveta ndjoka tayi ku pangulitha, ngele tashi keya komuthigululwankalo gwo wene.

19. IHWANA

Omakuti na yaamenwe inaa mbuwalekwa nande, ngele owa ka hangika to yono oushitwe nena oveta otayi ku landula oshoka owa yona oushitwe. Onghee omi nenge oushitwe na u yamenwe.

Kapena ngoka wa pewa oufemba oku tetapo omi havi imi nenge oku vi tula momakoye nenge ha vi yandja omizile nongele owe shiningi, Oveta ota yi ku landula. Onghee omi nenge oushitwe na u simanekwe.

20. OMADHIYA

Omadhiya ga simana pamuthigululwakalo ina ga tu lwa moovalate go na gamenwe. Iha ku pitikwa omeya ga dhanenwe nando, oshoka omeya ogo omwenyo onkee ina ga pumbwa okuyonagulwa. Moishana nomomaviya ina mu pitikilwa nando oonete ngele omeya ogendji. Hila ongele omeya ga pwina ganinga omashona iha ga vulu we okunuwa kaantu noshowo kiinamwenyo opo ihe

tamu vulu, mulongithe iishongo oshowo uuyalala. Ngele omendji nookondo hila nakulongithwe oondjolo, opo omeya yakale ina ga yonuka.

N.B “Ngele medhiya moka omwa ta lika kutya omeya ngoka ihaga vulu we oku longithwa opo nee mwene gwedhiya ndyoka tahiya“Ehuwa” opo aantu ya vule oku ka kwatamo oohi dhoka dhili mo ndele onga lya pwiinina, nomeya ihaavulu we oku longithwa. Nongele owa ka adhika to dhanene omeya ngoka ha ga vulu oku longithwa nena oto pangulwa ndele to mono ehandukilo lyo paveta.”

21. IIKUNUWA

Iikunuwayopamuthigululwakalo ayihe nayi simanekwe, Oshikundu, Omalovu giilya, Oshitanga, Omalunga nshowo Omagongo. Yimwe yomiikunuwa oya simana unene oshoka oha yi panga, ngaashi omagongo oga talika nawa kutya ohaga panga **“Malaria”**. Pethimbo lyOmagongo aanona ohafiifina eengongo ile taanu **“Oshinwa”**. Konale omagongo ohaga nuwa wala kaasamane, ihe uuyuni sho wa ende taulunduluka, mopaife omagongo ota ga nuwa wala kaantu ayehe. Pethimbo lyomagongo kapena nande omuntu a pitikwa a ende a humbata iilwiitho ngaashi ondjembo, omwele, egonga, ondimbo, uuta wanangongo nosho tuu.

22. OONDIMA

Pethimbo lyoondima omuntu kehe eli mOshitopolwa shoka sha nyika omapya okuna oku lima. Pethimbo lyoondima kehe oshimuna na shi kale sha edhililwa, mwakwatelwa iingulu, oshoka otayi vulu oku yona iikunwa yaantu momapya ile shiyakwepo, oshoka uulunga wiimuna owa vuka nookondo. Shikwawo kehe omuntu e na ondingosho nakale eiyutha kelombweloveta ndyoka tali ti:

NB Ethimbo lyeendima ooundingosho na u patuluke pombali yomutenya (02H00), wo ta u pata poheyali yokomatango (07H00). Omanga pethimbo lyokwenye ota vulu oku patulula pomulongo gwongula ta pata poheyali yokomatango (07H00).

“Ngele opena ngoka ta ka adhika a patulula ongula aantu yeli mepya taa limi nena okwa ta lika okwa pogola ano a taa galuka oveta, oku na oku pangulwa ndele ta geelwa.”

Eengeshefa vi enene vi vina eembapila, ota dhi longo ngaashi shili mepitikilo lyeembapila vavo, kakele kutya oowene yeendunda naalandithi naakambadhale opo inaa pitikila aanona aashona mboka yeli kohi yeevula omulongo nahetatu **(18) momahala gokuninwa**. Ngele oondima odha pwa otaku patululwa okuza pomulongo wongula dho tadhi ka pata kowili ndjoka ya tu lwapo koveta yomalovu. Onghee oveta yomalovu na yi simanekwe.

23. UUFUTHI/UULUNGA

Kehe ngoka to ka adhika wa yaka iilya meyanda (Oshigadhi) ile poshipale, nenge ano oku yaka oshinima shomuntu kehe, owa talika omulunga omunene na oto vulu oku pangulwa noku monika ondjo, ndele napu kale uumbangi wa yela nawa. Nehandukilo **ongombe yimwe (1)**, kwa gwedhwa **ongombe yomakondo**, ihe na ku talike kongushu yoshinima.

24. IIMUNA IIKANI

Imuna iikani nayi dhigininwe inayi holekwapo yo nayi lopotwe ku mwene womukunda, ye mwene womukunda neshilopote ku mwene wOshitopolwa. Oshimuna oshikani ngele oshaninga po **oomvula ne (4)** ndele ina shimona mwene otashi vulu oku liwapo.

Oshiholelwa; ngele opena nande Osikola tayi nangala ndele kapena shoka tashi li wa, nena elelo otali si oshipwiyu opo oshimuna shi vule oku li wapo kaakwashiwana penangeko lyosikola ndjoka nenge piituthi yopamuthigululwakalo ngele tayi ya mOshilongo.

Shikwawo ngele oshimuna shoka oshikani osha sa ombaadhiilila shamona oshiponga nena nashi lopotwe meendelelo ku mwene womukunda ndele tashi landithwa/hayivwa, opo kehe shoka tashi

zi melanditho lyo shimuna shoka shipewe oohepele dhoka hadhi tala omulilo momukunda moka.

25. OMAYINYENGITHO GIIMUNA

Omulandu woku inyegitha iimuna nagu kale wa simanekwa nagu talikeko guna oshilonga oshinene. Okwa tali ka ngele to hingi oshimuna, kala u na ombapila yo pambelewa. Itaku ka pitikwa nando oshimuna tashi hingwa uusiku no nando shikale shina ombapila yopambelewa nena okwa talika wa pogola, ano oto pewa ehandukilo enene moveta yiimuna.

26. OMAFENDELO

Ngashi sha kala pamuthigululwakalo okwa kala omafendelo, ano oku kalekapo ongushu yeledo lyopamufiululwakalo no ku kwatelapo oonghedhi dha sho. Onghee kehe egumbo oli na oku gandja oifendela ya lyo komvula kehe, osho wo ondunda yomalovu kehe oyina oku gandelwa oifendela yavo komvula kehe. Elalakano oku humitha oshiketha shelelo komeho opo shi vule oku kwathela oshiwana moopumbwe dhoka tadhi holoka mo.

27. OMAUFOMHANGO GOOVETA

Omuntu ngele okwa yona sha shamukwawo ita futile owala mukwawo sho a yono, ihe okuna wo okufutihwa komhangu opo keeshi yekelele we. Molwashoka aantu yamwe ohaya ningile iinima owina nenge molwodhino yoveta.

28. ELANDULATHANO LYOKUHOLOKA KOMPANGU

Omutamanekwa/Omutamaneki kehe a nyona sha shamukwawo okuna oku ithanwa kompangu ndele ta pangulwa opo a kale a eta iinima ya mukwawo mbyoka a nyona, ano eyi fute. Omutamanekwa/omutamaneki ngele okwaanya okuya kompangu, ota tuminwa ombapila yokumumangithapo opo opolisi yi mweete kompangu.

Omuniyoni kehe a pangulwa ndele ta monika ondjo, kakele kokufutula omuniyonenwa shono a nyona okunawo oku futa **N\$250.00** onga ehandukilo sheikololela kongushu yehandukilo ndyo a nyona.

29. ESO

- (a) Ngashi ta shi ufwa **kokatendo ko (8)** hono kena sha neso ano edhipago lyomuntu, ko ta ka ulike kutya ethetopo lyomahodhi meso lyoshiningilawina paveta eengombe omulongo nongele iimaliwa **N\$ 25, 000.00**.
- (b) Oshoka **Ongombe yimwe (1)** paveta yopamuthigululwakalo ongombe oyina ongushu yeendola **N\$ 2,500.00** ano neendola dha Namibia omayovi yaali nomafele yatano.

Meengombe omulongo omwa kwatelwa ongombe yomoshikefa shElelo lyOpamufiululwakalo.

(b) Edhipago ka li shi lyoshiningilawina oshiholelwa: Omuntu a lyatelwa kopate (moteya) ile na kudhipaga eipopila komikalo dhaayoloka dhina omaumbangi gayela nawa nena ezimo/epata otali fetapo omahodhi gana kudhipagwa **eengombe ntano (5)** nongele iimaliwa **N\$12,500.00** mwa kwatelwa **Ongombe yimwe (1) yOveta ngele Oimaliwa N\$2,500.00** yomoshiketha shElelo lyOpamufiululwakalo.

(c) Ngele onghufi (oshindja) ndele ta si **eengombe omulongo (10)** ndele napu kale oumbangi nomauyelele ga yela nawa, no ngele iimaliwa **N\$25,000.00** mwa kwatelwa ongombe yoveta yomoshikefa shelelo lyOpamuthgululwakalo.

30. ONGHONGA

Ngashi tashi uthwa **mOkatendo okatimugoyi (9)** shinasha, nonghonga na ku kwata onghonga oku na oku futa omayono goopali: Ngele okwe mu kwata onghonga ndele te mu dhipaga natango ota futu omatimba gopaali edhipago nonghonga.

- (a) Edhipago **eengombe omulongo (10)**, oimaliwa **N\$25,000.00**
- (b) Onghonga **eengombe ntano (5)** ngele oimaliwa **N\$12,500.00**

(c) Kukehe shimwe oku na **Ongombe yimwe (1)** yoveta yEelo.

31. EKUTHO LYOMUNTU OSHILYO

- (a) Eiho: **eengombe ntano (5)** ngele iimaliwa **N\$ 12,500.00**
- (b) Okutsi: **eengombe ntano (5)** ngele iimaliwa **N\$ 12,500.00**
- (c) Okugulu: **eengombe ntano (5)** ngele iimaliwa **N\$ 12,500.00**
- (d) Okwooko: **eengombe ntano (5)** ngele iimaliwa **N\$ 12,500.00**
- (e) Eyego: **Ongombe (1)** ngele oimaliwa **N\$ 2,500.00**
- (f) Omunwe: **Eengombe ntano (5)** ngele iimaliwa **N\$ 12,500.00.**

Kakele keego limwe ku kehe shimwe oku na **Ongombe yimwe (1)** yomoshiketha shelelo lyopamuthigululwakalo.

32. OMATUKANO/OMALUDILO/OMADHENGU

- (a) Ngele omuntu okwa tuka mu kwawo nena ota vulu oku pangulwa, oshoka okwa yona uuthemba wa mukwawo ota futu **N\$ 500.00** nongele omatukano oga londa noonkondo okuza pekoto (pekuvu) ota futu **Ongombe yimwe (1)** paveta, nongele iimaliwa **N\$2,500.00.**
- (b) Ngele omuntu okwa lundila mu kwawo oku na oku pangulwa ndele ta handukilwa **N\$500.00**, nongele elundilo enene nena, ota futu ongombe yimwe ngele iimaliwa **N\$ 2,500.00**
- (a) Omadhengo galwe ngaashi omakawa, noombole **N\$ 500.00**
- (b) Ngele omuntu okwa dhegwa ombole ndele okwa pitithwa ombinzi oyindji nomakonaakono gayela nawa ota futwa ongombe yimwe paveta nongele iimaliwa **N\$2,500.00.**
- (c) Ngele okwa monithwa oshiponga ndele ta hondjwa no ku hondjwa oku na oku futwa **eengombe mbali (2)** ngele iimaliwa **N\$5,000.00** ndele na pukale omauyelele gayela nawa.
- (d) Ngele okwa monithwa oshiponga oshinene oshiholelwa: okwa ya momakonaakono ga ndokotola ndele a shi vulika nesipa ndjoka olya mbondoka, ano lya mona oshiponga ngele omomutse ashi vulika nomadhiladhilo itaga longo we nawa ga za pehala nena oku na oku futwa **eengombe ntano (5)** nongele iimaliwa **N\$12,500.00.**

33. OMAMBANDAMEKO/OMATILIFO

Omatilitho goludhi kehe nokuku thila omuntu oshilwitho nakushininga ota pangulwa, konima yepangulo ngele a monika ondjo ota futu oofuto ngaashi ta dhilandula:

(a) Ondjembo: Omuntu ngele okwa ningila mukwawo omatilitho gondjembo ndele ine mu yaha kolutu, ano inemunonitha oshiponga, ota futu **Eengombe dhili ne (4)** paveta, ngele iimaliwa **N\$ 10,000.00**, ngele okwe mu yaha emumonitha oshiponga ano e mu guma kolutu, **Eengombe ntano (5)** paveta, ngele oimaliwa **N\$ 12,500.00**.

(b) Ekatana/omwele: Omuntu ngele okwa ku thila mukwawo omwele nenge ekatana ndele ine mu guma kolutu, ota futu **Ongombe yimwe (1)** paveta, ngele iimaliwa **N\$ 2,500.00**, ngele okwe mu monitha oshiponga ano e mu guma kolutu **Eengombe ntano (5)** ngele iimaliwa **N\$ 12,500.00**, sha talika kondjele yoshiponga.

(c) Egonga/outa wanangongo: Omuntu ngele okwa ku thila mukwawo egonga nenge uutawanangongo ndele ine mu monitha oshiponga **Ongombe yimwe (1)** paveta, ngele oimaliwa **N\$ 2,500.00** ngele okwe mu monitha oshiponga, **Eengombe ntano (5)** paveta. Ngele oimaliwa **N\$12,500.00** sha talika kondjele yoshiponga.

34. OUKOVI

(a) Omulumentu nguka nenge omukiintu nguka ota futile omusamane/omukulukadhi mukwawo oshoka okwa teyapo egumbo lyamukwawo, ngele opwa holoka epunda, ota futu **eengombe ntano (5)** paveta. Ngele oimaliwa **N\$12,500.00**, onga pena omauyelele ga yela nawa.

(b) Ngele okwa lala naye ndele inapu holoka epunda, **eengombe mbali (2)** paveta, ngele oimaliwa **N\$5,000.00** ndele onge pena ouyelele wayela nomaumbangi ga yela nawa.

(c) Omukiintu ngele okwa ninga epunda ota futu **eengombe mbali (2)** dhoveta. Ngele oimaliwa **N\$5,000.00** ngele opena ouyelele nomaumbangi ga yela nawa.

(d) Omukulukadhi ngele okwa lala nomusamane ndele inapu holoka sha ota futile oveta **Ongombe yimwe (1)**. Ngele oimaliwa **N\$ 2,500.00**, oshoka ota yi dhipagitha aalumentu. Onga pena omauyelele ga yela nawa.

35. EMITO

(a) Omuyonwakavona ngele okwa pewa (etegelelo) epunda oku na oku futwa **eengombe mbali (2)**, paveta nongele oimaliwa **N\$ 5,000.00**, ndele naku ningwe omakonaakono gayela nawa.

(b) Omukiintu ngele okwa vala okanona ndele teka ekelehi ile a kuthamo epunda ndele opwa monika omauyelele ga yela nawa, oku na oku pangulwa ndele ta futithwa eengombe omulongo ngele oimaliwa **N\$ 25,000.00**

36. OOHOMBO DHOPAMUFIULULWAKALO

Omuhokanwa/omuhokani kehe e na ehalo opo akale a hokana/ahokanwa pamuthigululwakalo okwena uuthemba mboka. Oshoka ehoololo olye mwene kutya okwa hala oku hokana/hokanwa peni. Omahenene gomafukalelo naga simanekwe, go naga gamenwe.

37. AASELEKADHI/NOOTHIGWA

(a) Omuthigwapo kehe taka thigala megumbo moka opamwe noluvalo lwe neliko ndjoka lya thigalamo okuna oku kala megumbo ndyoka mwa kwatelwa nepya.

(b) Kehe ngoka ta katidha nakuthigwapo moshigumbo ota pangulwa e ta handukilwa sheikololela koukwatya wetidho ndyoka.

- (c) Kakele owala **“koongombe dhepata”** mwa kwatelwa **“noipako yepata”** ngele opena ouyelele wayela minima mbika nayi landulwe.
- (d) Ngele opena ngoka teke shi taaguluka nena ota pangulwa ndele tapewa ehandukilo lyofuto yongombe yimwe (1) ile iimaliwa **N\$ 2,500.00** paveta.

38. EGANDJO LYEVI

(a) Omulandu woku to pola evi oguli ngeyi kutya Omukwashigwana kehe ngoka ta ka hala oku mona okapambu kevi tango okuna oku monathana na mwene womukunda.

(b) Mwene gwomukunda opamwe nokomitiye yomukunda omanga inaa ka ulikila omwiindili gwehala, tango oye na oku mona aakalimo/aashinda yevulithe puyaali mboka yeli popepi nehala

ndyoka kutya odha eenganba dhe odha tameka peni na odha hulila peni,, opo yakale yedhi shi nawa.

(c) Mwene womukunda ngele ta gandja ehala (onghoko) unene mokuti na kale a ninga oinghapelo ngele omoshiyelele naninge oilambo mbyoka tayi ulike kutya openi naanaa pwa thanekwa oongamba dhehala ndyoka.

(d) Omanga omwiindili wehala ina tameka okulonga nena oku na oku gandja **“Ombandu yeKaa”** kumwene womukunda, ano nadhilaadhile kutya ina landa evi, ashike epyupyu lya mwene gwomukunda sho temu sheelifa ndele iimaliwa inayi konda **N\$ 600.00**

(e) Konima ngele a mana oku u lukilwa ehala lye, nena ota tameke oku uvitha ofoloma yehala lye ndyoka apewa ngashi tashi ulikwa moveta yeve, ano ta futu oondola **omilongo mbali nantano N\$25.00**. Konima ngele lyapu oku u vithilwa ofoloma nena ota li metwa opo li ta like kutya olina unene weehekita wu thike peni.

Konima ta pewa onzapo yehala lye ndyo ta futile oondola omilongo ntano **N\$ 50.00** ngashi oveta tayi shuutha.

(f) Kakuna nande omuntu ta ka yelekela oku taa guluka oveta opo eikuthile/eigwedheleko nena ota pangulwa ndele tamono ehandukilo lyongushu **yongombe yimwe (1)** nenge ngele oimaliwa, **N\$ 2,500.00**.

(g) Kakuna ngoka ta ka thitika oondjila dhomomikunda dha simana. Omapandaanda noondjila dho kweenda iihauto inadhi thitikwa nando, kutya nee oku mwnene gwomukunda ye mwene ile okumwene wOshitopolwa. Ngoka teke shininga ota pewa ehandukilo. Omakulupola/oondjila nenge eendjila oonghulu ha vi endwa pefimbo ndi, na v

i a menwe, Omahenene gomalufuko nago naga simanekwe. Oongamba dhomikunda, dhiitopolwa nodhiilongo pamufiululwakalo nadho na dhi kale dhi shiwiki nawa dho nadhi simanekwe.

(h) Mwene gwomukunda kehe ta ka hangika a gandja ehala limwe kaantu yevulithe pugumwe ota handukilwa niimaliwa yi thike **N\$ 500.00**.

39. OMWIIVI/OMWIIVI

Kehe ngoka to ka adhika to kahula omwiiwi omutalala nena ouna oku pangulwa ndele to mono ehandukilo ano to futu ongombe yimwe paveta nonge iimaliwa **N\$ 2,500.00**.

40. OIHWA/OIHWA

Kehe ngoka to ka adhika to tete iihwa ile omuti hau imi nenge weutula mekoye, nena oto pangulwa ndele to mono ehandukilo **lyongombe yimwe (1)** nonge iimaliwa **N\$2,500.00**, ile wa adhika to mbuwaleke ofuka ile omuhenye shaampoka, nena oto mono ehandukilo ano to futu **ongombe yimwe (1)** paveta.

41. OMAVIYA/OMAVIA

Ngele edhiya olya pwiina nena okwa tegelelwa mwene wedhiya a kale a sa oshiho opo aantu ya vule oku kwata mo shoka ta shi a dhikamo. Ngele owa ka adhika to dhanene omeya haa vulu oku longithwa kaantu oshowo kiinamwenyo nena oto pangulwa ndele to mono ehandukilo **lyOngombe yimwe (1)** paveta ngele oimaliwa **N\$ 2,500.00.**

42. OIKUNUWA

Kehe ngoka to kalanditha oikunuwa ngashi oshikundu omalovu giilya nayi kwawo nena ondando nayi kale ya eleka.

43. EENDIMA

(a) Kehe ngoka to ka adhika wa patulula ondingosho pethimbo lyoondima nena kala ushi kutya owa taaguluka oveta noto pangulwa nehandukilo **ongombe yimwe (1)** **N\$ 2,500.00.**

(b) Itaku ka adhika nande omunasikola pondingosho nenge ta landitha mongeshefa eli kohi **yoomvula 18.** A shi ti: ota ka tukilwa onghatu yo paveta, ano tapangulwa ndele ta mono ehandukilo **ongombe yimwe (1)** paveta ngele oimaliwa **N\$ 2,500.00**

44. OUFUFI/OULUNGA

(a) Oulunga ukenyeneka iha u pangulwa kumwene wOmukunda ndele ota u pangulwa kompangu yopashigwana, oshihooelwa ngele omuntu okwa yaka ongombe yamukwawo nena okuna oku futa ongombe yamukwawo naandjoka ha ku tiwa **ongombe yomakondo,** ano ta futu **eengombe ndatu (3)** mwakwatelwa nayimwe yomoshiketha shomhangu yopashigwana ngele oimaliwa **N\$10,000.00**

(b) Ngele owa adhika wateya/wayaka egumbo, ondunda niikwawo nenge wayaka ombasikela nosho tuu oto handukilwa **neengombe**

mbali (2), kwa talika kongushu yoshinima shoka wayaka nenge wayonagula.

(c) Ngele okwa yaka **ongombe onene**, nena okwa teelelwa ku ta li ke **ongushu yongombe** ndjoka kutya ngiika oya ta lika yina ongushu yithike peni.

(d) Ngele okwa yaka **Oshikombo, iikombo**, ota futu **iikombo iyali** oshikombo paveta **N\$ 500.00** ngele iyali **N\$ 1000.00** ndele nasho ota shi ta li ka kutya oshina ongushu yi thike peni.

(e) Ngele okwa yaka ohuhwa, ohuhwa onkwawo ngele iimaliwa **N\$ 100.00**.

(f) Ngele okwa yaka ondongili oondongili mbali ngele iimaliwa **N\$ 1600.00**. Ondongili paveta **N\$ 800.00**

(g) Ngele okwa yaka onzi, onzi onkwawo ngele iimaliwa **N\$ 2000.00** onzi paveta **N\$ 1000.00**.

(h) Eyako lyoilya poipale ile meyanda ota futu **Ongombe yimwe** ano **N\$ 2,500.00**

(i) Ngele okwa yaka Oshingulu, nOshingulu oshikwawo ngele iimaliwa **N\$ 1000.00**, paveta Oshingulu oshina **N\$ 500.00**, a ku ta lika kongushu yoshingulu.

45. OIMUNA OIKANI

Ina pu kala nande omuntu ta holekepo Oimuna oikani ano nayi lopotwe opo yikale yi shiwiki ku mwene womukunda. Ku ngoka to keshi ninga oto pangulwa ndele to mono ehandukilo lithike pongushu yoshimuna shoka wa holeka po.

46. OMAINYEGIFO YOIMUNA

(a) Kehe ngoka to ke inyegitha iimuna kala una ombapila yopambelewa ndjoka tayi holola kutya oshimuna shoka osha u ka peni na otashi zi peni.

(b) Ngele owa adhika to hingi iimuna uusiku nonando ouna ombapila yopambelewa oto pangulwa ndele to handukilwa nehandu lyongombe yimwe paveta **N\$2,500.00.**(c) Ngele oto ka adhika to hingi oshimuna/iimuna mbyoka ndele kuna ombapila owa talika omulunga omunene na oto handukilwa nongombe yimwe paveta ile **N\$ 2,500.00.**

47. OMAFENDELO

(a) Ngashi sha kala oku za nale pamuthigululwakalo oveta yo mafendelo opo ya kala yo na yi dhi gininwe nawa, sigo onena oveta yomafendele opo yili, ano kwa teeelwa kehe mwene gwegumbo a kale a fendela egumbo lye, oshowo mwene wo ndingosho a kale afendela ondunda/ondingosho ye.

(b) Oifendela iha yi vulu itulwe nana pondondo thilu thilu oshoka kehe konima yoomvula ntano ota yi talululwa yo ta yi wevelwa mpo ta shi pumbiwa. Ngoka toka kala ino gwanithapo Oifendela yoye, ito ka mona omaambadhidho yopambelewa.

NB.OVETA YELELO LYOPAMUFIULULWAKALO WAMBALANTU OHAYI TALULULWA KEHE KONIMA YEEVULA NTANO.

.....

Tk. Oswin Shifiona Mukulu

Chief of Ombalantu Traditional Authority